

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
o odbacivanju Prijave namjere koncentracije privrednog subjekta Heineken CEE
Investments B.V., Amsterdam, Kraljevina Holandija

Sarajevo
Februar 2008. godine



Broj: 01-03-26-042-8-II/07
Sarajevo, 19. februara 2008. godine

Na osnovu člana 42. tačka g) Zakona o konkurenciji ("Službeni glasnik BiH", br. 48/05 i 76/07), a u vezi sa članom 14. stav (1) Zakona o konkurenciji, i člana 116. stav (2) Zakona o upravnom postupku ("Službeni glasnik BiH", br. 29/02, 12/04 i 88/07), po Prijavi namjere koncentracije podnesenoj od strane privrednog subjekta Heineken CEE Investments B.V., Tweede Weteringplantsoen 21, 1017 ZD Amsterdam, Kraljevina Holandija, zastupanog po advokatu Ružica Topić, Braće Mažar 46, 78000 Banja Luka, zaprimljenoj dana 13. decembra 2007. godine pod brojem: 01-03-26-042-II/07, Konkurencijsko vijeće na 61. (šezdesetprvoj) sjednici, održanoj dana 19. februara 2008. godine, je donijelo

ZAKLJUČAK

1. Odbacuje se Prijava namjere koncentracije privrednog subjekta Heineken CEE Investments B.V., Tweede Weteringplantsoen 21, 1017 ZD Amsterdam, Kraljevina Holandija, radi nepostojanja obaveze prijave namjere koncentracije, u smislu odredbi člana 14. stav (1) Zakona o konkurenciji.
2. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

OBRASLOŽENJE

Konkurencijsko vijeće dana 13. decembra 2007. godine, pod brojem: 01-03-26-042-II/07, je zaprimilo Prijavu namjere koncentracije (u daljem tekstu: Prijava), putem ovlaštenog zastupnika advokata Ružice Topić, Braće Mažar 46, 78000 Banja Luka, od strane privrednog subjekta Heineken CEE Investments B.V., Tweede Weteringplantsoen 21, 1017 ZD Amsterdam, Kraljevina Holandija (u daljem tekstu: Heineken ili Podnosilac prijave), kojom Heineken namjerava postati 100,0% vlasnik udjela u privrednom subjektu Brauerei MB, Temerinski put 50, Novi Sad, Srbija (u daljem tekstu: Brauerei MB).

Konkurencijsko vijeće, uvidom u Prijavu, je utvrdilo da ista nije potpuna te od Podnosioca prijave je zatražilo dopunu dana 10. januara 2008. godine akt broj: 01-03-26-042-1-II/07, u smislu člana 30. stav (1) pod b) Zakona o konkurenciji (u daljem tekstu: Zakon). Na zahtjev podnosioca Prijave Konkurencijsko vijeće je odobrilo vremenski rok od dodatnih 15 dana za dostavu tražene dokumentacije. Podnosioc prijava je dopunio istu dana 21. januara 2008. godine podneskom broj: 01-03-26-042-4-II/07.

Konkurencijsko vijeće je Podnosiocu prijave izdalo, dana 07. februara 2008. godine pod brojem: 01-03-26-042-5-II/07, Potvrdu o prijemu kompletne i uredne Prijave, u smislu člana 30. stav (3) Zakona.

Konkurencijsko vijeće je, na osnovu podataka iz dostavljene dokumentacije uz Prijavu, izvršilo analizu i utvrdilo sljedeće:
Prijava je podnesena u zakonom propisanom roku, u smislu člana 16. stav (1) Zakona.

1. Učesnici predmetne koncentracije

1.1. Privredni subjekt Heineken CEE Investments B.V.

Privredni subjekt Heineken CEE Investments B.V., Tweede Weteringplantsoen 21, 1017 ZD Amsterdam, Kraljevina Holandija, registrovan je kod Privredne komore Kraljevine Holandije pod brojem: 34256445 dana 19. septembra 2006. godine.

Privredni subjekt Heineken u 100,0% je vlasništvu privrednog subjekta Heineken International B.V., Tweede Weteringplantsoen 211017 ZD Amsterdam, Kraljevina Holandija, koji je u 100,0% vlasništvu privrednog subjekta Heineken N.V. vodećeg privrednog društava iz Heineken Group.

Privredni subjekt Karlovačka pivovara d.o.o. Karlovac, Dubovac 22, 47000 Karlovac, Republika Hrvatska (u daljem tekstu: Karlovačka pivara), u 100,0% je vlasništvu privrednog subjekta Heineken Adria d.o.o. Karlovac, Dubovac 22, 47000 Karlovac, Republika Hrvatska, koji je u 100,0% vlasništvu privrednog subjekta Brau Union AG, 4021 Linz, Poschacherstraße 35, Postfach 281a, Republika Austrija, a koji je u 100,0% vlasništvu privrednog subjekta Heineken International B.V.

Privredni subjekt Karlovačka pivovara registrovan je pri Trgovačkom sudu u Karlovcu, Republika Hrvatska pod brojem: 020006757 sa osnovnom djelatnosti - proizvodnja i promet piva.

Prema podacima iz Prijave privredni subjekt Karlovačka pivovara i privredni subjekt Heineken nemaju vlasničko udjele u privrednim subjektima u Bosni i Hercegovini, te distribuciju proizvoda privrednog subjekta Karlovačka pivovara, kao i proizvoda privrednog subjekta Heineken u Bosni i Hercegovini vrši nezavisni privredni subjekt Boreas d.o.o. Kreševo.

1.2. Privredni subjekt Brauerei MB

Privredni subjekt Brauerei MB d.o.o., Novi Sad, Temerinski put 50, 21000 Novi Sad, Republika Srbija, je registrovan pri Agenciji za privredne registre Beograd pod brojem: 20309288 dana 17. jula 2007. godine, sa osnovnom djelatnosti - proizvodnja i promet piva.

Privredni subjekt Brauerei MB u 100,0% je vlasništvu privrednog subjekta Pivare MB d.o.o. Novi Sad, Temerinski put 50, 21000 Novi Sad, Republika Srbija (u daljem tekstu: Pivara MB), koji je u 100,0% vlasništvu privrednog subjekta Rodić M&B Holding d.o.o. Novi Sad, Republika Srbija.

Prema podacima iz Prijave privredni subjekt Pivara MB nema vlasničkog udjele u privrednim subjektima u Bosni i Hercegovini te distribuciju piva vrši privredni subjekt Stork d.o.o. Doboj i privredni subjekt Benović promet d.o.o. Ugljevik.

2. Pravni osnov i oblik predmetne koncentracije

Pravni osnov predmetne koncentracije je Ugovor o kupovini udjela zaključen dana 05. decembra 2007.godine između privrednog subjekata Heineken CEE Investments B.V. (kao kupca) i privrednog subjekta Pivara MB d.o.o. Novi Sad (kao prodavca) kojim će privredni subjekt Heineken CEE Investments B.V. postati 100,0% vlasnikom privrednog subjekta Brauerei MB.

Pravni oblik koncentracije, predstavlja sticanje kontrole od strane privrednog subjekta Heineken nad privrednim subjektom Brauerei MB, u smislu člana 12. stav (1) tačka a) Zakona.

3. Ocjena prijave namjere koncentracije

Konkurencijsko vijeće, nakon analize podataka iz Prijave, je utvrdilo da učesnici koncentracije nisu bili u obavezi podnijeti prijavu namjere koncentracije budući da učesnici koncentracije nemaju supsidijarnih privrednih subjekta u Bosni i Hercegovini odnosno nisu ispunjeni uslovi propisani članom 14. stav (1) Zakona.

Konkurencijsko vijeće iz navedenog razloga je odlučilo kao u dispozitivu ovog Zaključka.

4. Administrativna taksa

Na ovaj Zaključak podnosilac Prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovog Zaključka nije dopuštena žalba.

Predsjednik

Sanja Božić